



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1566 usque ad annum 1572

**Fleury, Claude**

**August. Vind. [u.a.], 1772**

**VD18 90118634**

§. 109. Propositionum ex his Bibliis decerptarum censura.

---

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

verbis ambiguis efflet concepta. Demum <sup>Sæcul. XVI.</sup> Renatus cum inter ceteros Doctores <sup>A.C. 1567.</sup> senio emeretur, ac Decani officium in Facultate obire desideraret, anno post Christum natum millesimo quingentesimo nonagesimo octavo sententiæ, qua ejus liber proscribatur, aquievit.

§. CIX.

*Propositionum ex his Bibliis decerptarum censura.*

Interea Facultas ad Pium V. summum <sup>Argentre</sup> Pontificem transmiserat Catalogum <sup>pag. 395.</sup> errorum, quos in præfata Bibliorum versione a Renato Benedicto concinnata deprehenderat: insuper rationes, quibus permota eam damnabat, eidem Papæ exposuit: porro huc nonnisi hujus censuræ summam referimus.

I. In hæc verba capitis 4. Genesis: Dixitque Cain ad Dominum: major est iniquitas mea, quam ut veniam promereri possem, inquit Facultas: hæc *translatio propositionis versionis communis, scilicet major est iniquitas mea, quam ut veniam merear, est perversa, & propositio, ut jacet, est erronea, hæretica, & blasphema, & sumpta ex Genevensibus Bibliis.*

II. Ad hæc verba cap. 5. Genesis *ambulavitque cum Deo & non apparuit: quia tulit eum Dominus,* Renatus hanc adnotatio-

Sæc. XVI.  
A.C. 1567.

tationem subjecit: *curiositas est indagare, quomodo hoc factum fuerit, & in quo loco Henoch sit.* Hanc notam Facultas sequenti censura perstringit: *Timere notat curiositate veteres Catholicos Doctores, qui diligenter, & exacte de ea inquiserunt.*

III. Ad illa verba cap. 6. Gen. *Vir justus, atque perfectus fuit in generationibus suis, cum Deo ambulavit: Renatus addidit: justus erat per imputationem ob fidem, quæ erat in illo, prout dictum est de Abrahamo cap. 15. n. 6.* Facultatis censura est sequens: *Hæc adnotatio est valde diminuta, & ex modo loquendi conspirans cum modernis hæreticis, & contra determinationem Concilii Tridentini de imputatione justitiæ.*

IV. Sequitur hæc annotatio in c. 19. Exodi: *His ostenditur efficacia legis, quæ in nobis timorem, tremorem, & desperationem progenerat.* Facultas hanc censuram subjungit: *Hæc adnotatio est falsa, & contra sacram Scripturam, & ex Bibliis Genevensibus extracta.*

V. Hæc annotatio in cap. 2. Levitic. *Hic significatur Christus Dominus, verus panis vitæ, unctus plenitudine gratiæ, qui solus est Doctus acceptus suo Patri, sequenti censura notatur: Hujus annotationis ultima pars exclusiva, sic indistincte prolata, est falsa.*

VI. Ad

VI. Ad hæc verba cap. 9. Levitic. **Sæcul. XVI.**  
 Moyses dixit ad Aaron: accede ad altare,  
A.C. 1567.  
 & pro peccato tuo offer holocaustum, &

deprecare pro te, & pro populo, cumque  
 mactaveris hostiam populi, ora pro eo, sicut  
 præcepit Dominus: Renati annotatio e-  
 rat hæc: In hoc loco populus edocetur,  
 quod Aaron non sit ille, propter quem,  
 vel propter cujus sacrificia Deus debeat  
 esse propitiatio, prout declaratur in epi-  
 stola ad Hebræos cap. 5. & 7. contra  
 hanc annotationem Facultas ita disse-  
 rit: Hæc annotatio sumpta ex Bibliis Ge-  
 nevensibus litera D. favere videtur hæreti-  
 cis negantibus efficaciam Sacrificii propitia-  
 torii, præsertim cum citet loca Epistolæ ad  
 Hebræos, quibus abutuntur moderni hære-  
 tici ad excludendum Sacrificium Missæ.

VII. In cap. 10. Levit: Renatus hæc  
 notat: sicut Deus omne Sacrificium ei ob-  
 latum præter ejus Verbum respuit &c.  
 Facultatis censura desuper est hæc:  
 Ista annotatio sumpta est ex Bibliis Ge-  
 nevensibus, quæ sic indistincte prolata, est  
 suspecta de hæresi dicentium, nihil esse re-  
 cipiendum, nisi quod expresso Dei verbo  
 continetur, & excludentium cæremonias.

VIII. In cap. 10. Levit. hæc legitur  
 annotatio: Prohibet eis, ne ob quamcun-  
 que causam ab officii sui executione recedant,  
 etsi hoc esset propter exequias cuidam oc-  
 ciso persolvendas. Censura Facultatis  
 ita

Sæcul XVI. ita sonat: *Hæc annotatio sumpta ex Bibliis Genevensibus non respondet textui, videturque retrahere Christi fideles, & præsertim simplices ab obsequiis defunctorum.*

A C. 1567.

IX. Annotatio Renati in cap. 12. Levit. est hæc: *Ritus iste inducit hominem ad considerandam enormitatem peccati, quod conceptionem maculat. Censura. Hæc annotatio est deprompta ex Bibliis Genevensibus ad formulam, de qua, quia valde obscura, interrogetur.*

X. Notat in caput 13. Levit: *Leprosus & macula peccati, cujus iudicium pertinet ad solum Sacerdotem Christum Dominum, repræsentatur per Aaronem Censura. Hæc annotatio excerpta ex Bibliis Genevensibus est hæretica, quæ, ut jacet, eximit potestatem clavium.*

XI. In cap. 15. Levit. hæc annotatio: *Hi, qui cum immundis communicant, absque macula esse nequeunt. Censura. Hæc annotatio desumpta ex Bibliis Genevensibus ex ipsa forma, & sumpta sic universaliter prolata, est falsa, & erronea, nec est textui conformis.*

XII. Ad cap. 21. Levit. v. 10. caput suum non discooperiet, vestimenta non scindet; ita observat Renatus, scilicet, ut propter mortuos luctus ostendatur, & ad v. 12. nec egredietur de sanctis, ne polluat Sanctuarium Domini, hanc annotationem

nota-

notationem subjungit, scilicet, ut mortuorum luctui intersit. Censura: *Istæ duæ annotationes de verbo ad verbum extractæ ex Genevensibus Bibliis, sunt scandalosæ, utpote quæ videntur retrahere simpliciter a plandtu, qui pro honesta consuetudine Christianorum impendi solet in obsequiis defunctorum.*

Sæcul. XVI.  
A.C. 1567.

XIII. Annotatio in cap. 4. Numerorum est sequens: *vult dicere, quod Moyses hac in re nihil fecerit absque Dei verbo.* Censura: *Hæc annotatio non respondet textui, quo affirmatur, Moysen fecisse mandato Dei, quod fecit.*

XIV. In caput 6. Numerorum hæc habet Renatus: *idem præcipiebatur summo Sacerdoti, nempe, ut propter mortuos plandum non edat, in quo significatur exacta cura, quæ in rebus divinis habenda est.* Censura: *Hæc annotatio est formula desumpta ex Bibliis Genevensibus conformis superiori, ideo fiat recursus ad prædictam annotationem, & censuram.*

XV. In caput 4. Deuteronomii legitur annotatio sequens: *id dicitur, ut ostendatur, quod Deus in solo verbo requirendus sit, in quo se manifestavit, talemque declaravit, prout expedit ad nostram salutem, ut eum cognoscamus.* Censura Facultatis est hæc: *Hæc annotatio conspirat cum hodiernis hæreticis, qui sola*

Sæcul. XVI *verbo scripto innitendum dicunt, & est*  
 A. C. 1567. *hæretica.*

XVI. Ad caput 7. Josue sequens habetur nota: *Hoc exemplum puniendi filios propter iniquitatem Parentum non est imitandum, saltem nisi id Deus expresse præcipiat, prout hic factum: ipse enim solus corda noscit, & secreta peccata.* Censura: *Hæc annotatio extracta est ex Bibliis Genevensibus ex formula litera N. quæ erronea est, & sacris Scripturis, & legibus humanis contraria.*

XVII. Nota in cap. 8. Josue est sequens: *hic consideremus, quod subtilitas, ac prudentia, qua Josue utebatur, non ei procuravit victoriam, sed Dominus, cujus verbum sequebatur.* Censura: *Hæc annotatio plane eruta est ex Bibliis Genevensibus, quæ videtur tollere meritum operum nostrorum.*

XVIII. In caput 8. Josue Renuus hæc observat: *est Altare de lapidibus non hominum manu factum: in quo significatur, quod Deus non voluerit, ut homines quidquam ad suum obsequium, & cultum, quem ipse exquirat, & sibi juxta verbum suum & non aliter fieri postulat, addant.* Censura: *hæc annotatio hucusque non audita, sumpta est ex Bibliis Genevensibus, quæ falsa, & injuriosa est sacris Doctoribus, & Conciliis Universalibus, ut ante commemoratum est.*

XIX.

XIX. Ad lib. 2. Regum cap. 12. ad-Sæcul. XVI, A. C. 1567.  
 ducit Benedictus: *In quo demonstrat*

*Deus incomprehensibilem suam sapientiam, quando ex malo elicit bonum, ex parte sua permanens purus, & integer: malitia autem, quæ in opere reperitur, penitus residet in instrumento, quod ex natura sua malum est. Censura: hic discursus sumptus est ex Bibliis Genevensibus, qui non modo injurius est naturis rerum & Deo creatarum, sed etiam authori earum.*

XX. Ad lib. 2. Reg. cap. 2. hæc asserit. *Vult Deus, ut ille, qui propter homicidium aufugit, duntaxat ad tempus rejiciatur. Censura: Hæc annotatio eruta est ex Genevensibus Bibliis, quæ videtur contra Scripturam homicidii pœnam temporalem constituere.*

XXI. Ad librum 2. Reg. cap. 17. sequens animadversio habetur: *Dei prudentia se extendit usque ad hominum corda, quando, & ubi ei placet. Censura: hæc annotatio videtur cum Bibliis Genevensibus conspirans, & contra liberum arbitrium, & repugnat legibus.*

XXII. Incap. 22. lib. 1. Paralipomenon hæc adnotantur: *sic Deo servitur juxta ejus statuta, & mandata: id enim est præcipuum, & sine eo ædificatio Templi, omnesque ritus, qui ibidem observantur, ad nihilum deserviunt, imo per illos Deus magis irritatur. Censura:*

N 5

hæc

Sæcul. XVI hæc annotatio sic excerpta ad verbum ex  
A.C. 1567. Genevensibus Bibliis, derogat ceremoniis  
 Ecclesie Catholice, & retrahit a devo-  
 tione fideles.

XXIII. Ad ipsum librum Job hæc  
 observat: in hac Historia est annotan-  
 dum, quod Jobus bonam causam pro-  
 pugnet, sed eam male diducat: ex ad-  
 verso autem ejus adversarii iniquam causam  
 defendant, sed bene diducant. Cen-  
 sura: hæc duæ propositiones ex Gene-  
 vensibus Bibliis sunt falsæ, erroneæ,  
 & hæreticæ.

XXIV. In Psalmum 49. annotat: hæc  
 est Anima Sacrificiorum, & cæremoni-  
 arum legis; nam sine eo omnia Sacrificia,  
 omnesque ritus sunt Deo abominabiles.  
 Censura: hæc annotatio sumpta est de verbo  
 ad verbum ex Genevensibus Bibliis, quæ  
 sic in universum prolata damnat oratio-  
 nes vocales cum exterioribus cæremoniis  
 factas sine charitate habituali.

XXV. Ex eodem Psalmo observat;  
 intelligit vota gratiarum actionis &c.  
 Censura: hæc annotatio desumpta est ex  
 Bibliis Genevensibus, quæ conspirat cum  
 modernis hæreticis negantibus vota.

XXVI. Ad Psalmum 50. v. 11. dicit  
 David per hoc verbum crea ostendit, quod  
 hominis generatio sit nova creatio, in quo  
 docet &c. Censura: hæc annotatio ex  
 sermo

sermone ipso extracta est de Genevensibus Bibliis, cujus ultima pars est falsa.

Sæcul. XVI.  
A.C. 1567.

XXVII. Ad caput 38, Ecclesiastici: ait: *Fac cessare mortui memoriam in sua quiete.* Censura: hæc propositio ex Bibliis Genevensibus Lugduni impressis excerpta, præcipiens, ne Christi fideles memoriam habeant defunctorum, est erronea, & hæretica, nec sententiam textus exprimit, sed adulterat, & depravat.

XXVIII. Nota in caput 5. Isaïæ est sequens: *cultura Vineæ Domini est doctrina Verbi Dei.* Censura: hæc annotatio ex Bibliis Genevensibus deprompta, quæ sic omnia refert ad verbum, conspirat cum præsentibus hæreticis.

XXIX. In caput 10. Exodi hæc legitur annotatio. *In hoc loco videmus, quod sine Deo ductore, ejusque ope nihil ab ulla creatura fieri possit, & quod creaturæ in ipsarum operibus nil sint, quam Instrumentum operum Dei.* Censura: totum hoc sumptum ex Bibliis Genevensibus, quo irrogatur macula libertati eorum, qui cooperantur Deo.

XXX. Observat in cap. 34. Ezechielis, quod bona pascua sint doctrinæ Dei per ora Prophetarum, quos ipse nobis submisit. Censura: hæc annotatio desumpta est ex Genevensibus Bibliis litera M. quæ quia totum tribuit Doctrinæ, quod moribus, & vitæ exemplo convenit, falsa est.

De

Sæcul. XVI. De cetero hujus censuræ successus  
 A.C. 1567. in posterioribus annis recensetur.

§. CX.

*Cleri Gallicani comitia ob varia  
 negotia.*

*Recueil ge-  
 neral des  
 affair. du  
 Clerge de  
 France t. 2.  
 p. 1. p. 14.*

Hoc item anno Christi millesimo quin-  
 gesimo sexagesimo septimo Men-  
 se septembri Clerus Gallicanus per suos  
 Deputatos comitia celebrabat, quibus  
 Nicolaus Pelleveus Senonensis Archi-  
 episcopus, Guilielmus Viola Episcopus  
 Parisiensis, Carolus Guillardus Carno-  
 tensis Antistes, alique unacum suis  
 Syndicis, ac duobus secundi Ordinis  
 Deputatis ex qualibet Provincia inter-  
 erant, ubi præprimis Archiepiscopus  
 Senonensis in prima Sessione die vige-  
 sima quinta Septembris palam profiteba-  
 tur, quod hic *Conventus Synodi, aut  
 Concilii provincialis rationem non habeat,  
 nec ullum jus per hunc conventum acqui-  
 ratur, aut ulli ex præsentibus circa se-  
 dendi ordinem præjudicium inde nascatur.*  
 Porro congregati Concilium Tridenti-  
 num promulgari, atque ad effectum de-  
 duci petebant: verum eorum precibus  
 surdæ præbebantur aures: insuper ii-  
 dem Scriptum quoddam porrigebant,  
 in quo nonnullæ continebantur quere-  
 læ, quas examinari postulabant, specia-  
 tim vero suas rationes proferebant circa  
 Rega-